



SÁMEDIGGI
SAMETINGET

Olahusa dovdomearkkat sámegiella vuosttášgiellan 10. jahkeceahki manjel.

Dovdomearkkat dan gelbbolašvuhtii maid oahppi čájeha sihke njálmmálaččat ja čálalaččat sámegiella vuosttášgiellan fágas, 10. jahkeceahki manjel. Dát gullet sihke njálmmálaš ja čálalaš bargguid árvvoštallamii.

Sihke njálmmálaš ja čálalaš		
2	4	6
Oahppi hálddaša dábálaš gielalaš sojahanminstariid ja suorggádusaid ja dábálaš beliid cealkkaoahpas. Oahppi geavaha muhtin fágalaš tearpmaid giela ja teavsttaid čilgemii, ja dovdá ja geavaha muhtin fágasániid go ságastallá iešguđetlágan oahpes fáttáid ja sámegielfágalaš áššiid birra.	Oahppi hálddaša iešguđetlágan gielalaš sojahanminstariid ja suorggádusaid ja guovddáš beliid cealkkaoahpas. Oahppi geavaha fágagiela teavsttaid ja giela analyseredettiin, ja geavaha relevánta fágagiela iešguđet fáttáid ja sámegielfágalaš áššiid oktavuodas.	Oahppi hálddaša mánggalágan gielalaš sojahanminstariid ja suorggádusaid ja iešguđet beliid cealkkaoahpas. Oahppi geavaha relevánta fágagiela giela ja teavsttaid analyseredettiin, ja geavaha mánggalágan fágasániid ja dadjanvugiid. Oahppi geavaha dárkilis ja relevánta fágagiela iešguđetlágan fáttáid ja sámegielfágalaš áššiid oktavuodas.
Oahppi bájuha muhtin dábálaš cuvccas-, muitalus- ja máinnasárbevieruid ja njálmmálaš árbevieruid. Oahppi gávdná ja čilge dadjanvugiid ja muitalanmálliid njálmmálaš ja čálalaš teavsttain mat leat vuolgán muitalanárbevierus ja njálmmálaš árbevieruin. Oahppi ságaškuššá movt sámi jurddašanvuogit, njálmmálaš	Oahppi bájuha iešguđet guovlluid cuvccas-, muitalus- ja máinnasárbevieruid ja njálmmálaš árbevieruid ja čilge dábálaš erohusaid ja ovttaláganvuodaid iešguđet guovlluid árbevieruin. Oahppi čájeha ovdamearkkaid das movt iešguđetlágan sámi jurddašanvuogit ja muitalanárbevierut bohtet ovdan sihke njálmmálaš ja čálalaš teavsttain. Oahppi válldaha	Oahppi bájuha ja buohtastahtttá iešguđet guovlluid cuvccas-, muitalus- ja máinnasárbevieruid ja njálmmálaš árbevieruid ja válldaha erohusaid ja ovttaláganvuodaid iešguđet guovlluid árbevieruin. Oahppi reflektere dan hárrái movt iešguđetlágan sámi jurddašanvuogit ja muitalanárbevierut bohtet ovdan sihke njálmmálaš ja čálalaš teavsttain.

<p>muitalanárbevierut ja sámi árvvut bohtet ovdan muhtin girjjálašvuodas.</p>	<p>movt sihke njuolggo ja eahpenjuolggo jurddašan- ja mitalanvuogit ja sámi árvvut bohtet ovdan girjjálašvuodas.</p>	<p>Oahppi suokkardallá movt sihke njuolggo ja eahpenjuolggo jurddašan- ja mitalanvuogit ja sámi árvvut bohtet ovdan iešguđetlágan girjjálašvuodas.</p>
<p>Oahppi muitala muhtin váldovugiid movt teavsttaid hápmi ja giella váikkuha vuostáiváldái. Oahppi čujuha muhtin oahpes váikkuhangaskaomiide teavsttas ja mo dat váikkuha sisdoalu ipmárdussii, ja čilge muhtin beliid teavstta konteavsttain. Oahppi geavaha muhtin váikkuhangaskaomiid iežas teavsttain.</p>	<p>Oahppi čilge movt teavsttaid hápmi ja giella váikkuha sisdollui ja vuostáiváldái. Oahppi čilge deháleamos váikkuhangaskaomiid mat leat adnon iešguđetlágan teavsttain ja muitala mo dat váikkuhit sihke sisdoalu ipmirdeapmái ja vuostáiváldái. Oahppi čilge maid teavstta ja konteavstta oktavuoda. Oahppi geavaha muhtin gielalaš, estehtalaš ja retoraláš váikkuhangaskaomiid iežas teavsttain.</p>	<p>Oahppi čilge ja guorahallá movt teavstta hápmi, giella ja váikkuhangaskaomit váikkuhit sihke sisdoalu ipmirdeapmái ja vuostáiváldái. Oahppi guorahallá, dulko ja buohtastahtta teavsttaid iešguđet perspektiivvas ja konteavsttas. Oahppi geavaha mánggalágan gielalaš, estehtalaš ja retoraláš váikkuhangaskaomiid iežas teavsttain.</p>
<p>Oahppi hábme njálmmálaš ja čálalaš teavsttaid, main lea buore muddui heivehan govaid, govosiid, filmmaid, teavsttaid ja jienaid oktii. Oahppi ovdanbuktá áššiid oahpes šánjeriin maid lea muhtin muddui heivehan vuostáiváldái, sisdollui, mediai ja ulbmilii. Oahppi vuodušta muhtin muddui iežas ákkastallamiid. Oahppi divoda teavsttaid iežas árvvoštallama ja earáid responssa vuodul. Oahppi sitere ja referere gálduid muhtin muddui ja almmuha gos lea dieđuid viežžan.</p>	<p>Oahppi hábme njálmmálaš ja čálalaš teavsttaid iešguđetge šánjeris ja hámis, maid lea heivehan vuostáiváldiide, sisdollui, ulbmilii ja mediaide. Oahppi vuodušta oaiviliiddis go ákkastallá ja reflektere, ja ovdanbuktá áššiid ja heiveha struktuvrra sisdollui. Oahppi árvvoštallá ja divoda teavsttaid muhtin fágalaš kriteriaid vuodul ja earáid responssa vuodul. Oahppi árvvoštallá ja geavaha relevánta gálduid ja almmuha gos lea gálduid viežžan.</p>	<p>Oahppi hábme mánggalágan njálmmálaš ja čálalaš teavsttaid iešguđetge hámis, mat leat vuohkkasit heivehuvvon dillái, šánjerii, vuostáiváldiide ja mediaide. Oahppi vuodušta oaiviliiddis go ákkastallá ja reflektere, ja ovdanbuktá áššiid iešheanalaččat ja heiveha struktuvrra sisdollui. Oahppi árvvoštallá ja divoda iežas teavsttaid fágalaš kriteriaid vuodul, ja earáid responssa vuodul. Oahppi árvvoštallá ja geavaha relevánta gálduid kritihkalaččat ja almmuha gos lea gálduid viežžan.</p>

Dovdomearkkat dan gelbbolašvuhtii maid oahppi čájeha čálalaččat sámegeiella vuosttašgiellan –fágas, 10. jahkeceahkis. Dáid dovdomearkkaid ferte geavahit ovttas daiguin dovdomearkkaiguin mat gullet sihke njálmmálaš ja čálalaš bargguid árvvoštallamii.

Čálalaš		
2	4	6
Oahppi lohká mánggalágan teavsttaid main lea álkis struktuvra ja giella, ja heiveha muhtin muddui iežas lohkanstrategiijaid teavsttaide. Oahppi gávdná dieđuid maid sáhtta álkit gávdnat teavsttain. Oahppi dulko ja guorahallá muhtin oahpes beliid hámis ja sisdoalus.	Oahppi lohká mánggalágan teakstašlájaid ja šánjeriid, main lea sihke álkis ja moalkás giella ja struktuvra, ja heiveha iežas lohkanstrategiijaid teavstta ja lohkama ulbmila mielde. Oahppi gávdná ja dulko dieđuid mat leat iešguđet sajis teavsttain. Oahppi guorahallá muhtin beliid teavstta hámis ja sisdoalus.	Oahppi lohká mánggalágan teakstašlájaid ja šánjeriid, main lea sihke álkis ja moalkás giella ja struktuvra, ja reflektere daid hárrái ja heiveha iežas lohkanstrategiijaid tekstii ja lohkama ulbmilii. Oahppi lohká, gávdná ja dulko dieđuid mat leat iešguđet sajis teavsttain ja árvvoštallá teavstta sisdoalu ja hámi. Oahppi guorahallá iešguđet beliid teavstta hámis ja sisdoalus.
Oahppi čállá teavsttaid main lea struktuvra ja sisdoallu mii lea muhtin muddui heivehuvvon ulbmilii, vuostáiváldái ja mediai. Oahppi hálldaša ovttagardánis teakstačatnanvugiid ja geavaha dábáleamos riehtačállinnjuolggadusaid ja gaskamearkkaid.	Oahppi čállá iešguđetlágan teakstašlájaid main lea buorre struktuvra ja sisdoallu heivehuvvon ulbmilii, vuostáiváldái ja mediai. Oahppi geavaha dárkilis sátneriggodaga ja dábálaš teakstačatnanvugiid iežas čállosiin. Oahppi hálldaša eanas riehtačállinnjuolggadusaid ja gaskamearkkaid bidjama.	Oahppi čállá iešheanalaččat iešguđetlágan teakstašlájaid main lea buorre ja čielga struktuvra ja sisdoallu mii čielgasit lea heivehuvvon ulbmilii, vuostáiváldái ja mediai. Oahppi čállá teavstta deaivilis ja dárkilis sátneriggodagain ja geavaha vuogas teakstačatnanvugiid, sihke cealkagiid ja teakstaosiid gaskkas. Oahppi hálldaša riehtačállinnjuolggadusaid ja gaskamearkkaid bidjama.

Dovdomearkkat dan gelbbolašvuhtii maid oahppi čájeha njálmmálaččat sámegealla vuosttašgiellan –fágas, 10. jahkeceahkis. Dáid dovdomarkkaid ferte geavahit ovttas daiguin dovdomarkkaiguin mat gullet sihke njálmmálaš ja čálalaš bargguid árvvoštallamii.

Njálmmálaš		
2	4	6
<p>Oahppi oassálastá ságastallamiin, ja ovdanbuktá muhtin muddui fágalaš sisdoalu. Son vuodusta ja ákkastallá muhtin muddui iežas oaiviliid ja ipmárdusa njálmmálaš ovdanbuktimiin, ságastallamiin ja digaštallamiin.</p>	<p>Oahppi ovdanbuktá fágalaš sisdoalu čielgasit ja vuodusta ja ákkastallá iežas oaiviliid ja ipmárdusa njálmmálaš ovdanbuktimiin, ságastallamiin ja digaštallamiin.</p>	<p>Oahppi ovdanbuktá fágalaš sisdoalu čielgasit, ja ákkastallá áššálaččat ja fágalaččat njálmmálaš ovdanbuktimiin, ságastallamiin ja digaštallamiin.</p>